

ЎЗБЕКИСТОН ПРЕЗИДЕНТИ ҚОЗОҒИСТОН СЕНАТИ РАИСИ БИЛАН ПАРЛАМЕНТЛАРАРО ҲАМКОРЛИКНИ КЕНГАЙТИРИШ ЙЎНАЛИШЛАРИНИ МУҲОКАМА ҚИЛДИ



Ўзбекистон Республикаси Президенти Шавкат Мирзиёев 4 июнь куни мамлакатимизда расмий ташриф билан бўлиб турган Қозоғистон Республикаси Парламенти Сенати Раиси Маулен Ашимбаевни қабул қилди.

Давлатимиз раҳбари олий даражадаги мунтазам ва самарали мулоқотлар туфайли Ўзбекистон ва Қозоғистон ўртасидаги дўстлик, яхши кўшничлик ва стратегик шериклик муносабатлари бугун юксак

даражага чиққанини мамнуният билан қайд этди.

Сенат Раиси Маулен Ашимбаев, ўз навбатида, Ўзбекистон етакчисига самимий қабул учун миннатдорлик билдирди ҳамда Қозоғистон Президенти

Қосим-Жомарт Тоқаевнинг саломи ва энг эзгу тилакларини етказди.

Учрашувда мамлакатларимиз ўртасидаги кўп қиррали ҳамкорликни янада ривожлантириш ва кенгайтириш масалалари кўриб чиқилди.



Пандемия оқибатларини биргаликда енгиб ўтиш мақсадида ҳукуматлар, ҳудудлар ва тadbirkorлар даражасида фаол алмашинувлар давом этмоқда. Жорий йил бошидан товар айирбошлаш ҳажми 40 фоизга ошди. Машинасозлик, тўқимачилик саноати, транспорт, туризм ва иқтисодиётнинг бошқа соҳаларида йирик кооперация

лойиҳалари тайёрланмоқда ва амалга оширилмоқда. Маданий-гуманитар соҳадаги дастурлар қайта тикланди. Ўзбекистон ва Қозоғистон парламентлари икки томонлама ҳамкорликнинг истиқболдаги кун тартибни шакллантиришда фаол иштирок этиши, ҳудудлар маъмуриятлари ва ишбилармон доираларни кенг жалб

қилган ҳолда янги ташаббуслар ва аниқ лойиҳаларни илгари суриш, шунингдек, долзарб минтақавий ва халқаро масалалар бўйича ҳамкорлик ва ўзаро мувофиқлашувни кучайтириш муҳим экани алоҳида таъкидланди.

ЎЗА

Ўзбекистон Республикаси Президентининг ФАРМОНИ

АҲОЛИНИ ИЖТИМОЙ ҚўЛЛАБ-ҚУВВАТЛАШ ТИЗИМИНИ ЯНАДА ТАКОМИЛЛАШТИРИШГА ҚАРАТИЛГАН ҚўШИМЧА ЧОРА-ТАДБИРЛАР Тўғрисида

Аҳоли турмуш даражасини оширишга қаратилган чора-тадбирлар изчиллигини таъминлаш ва ижтимоий ҳимояга муҳтож оилаларни қўллаб-қувватлаш механизмларини янада такомиллаштириш мақсадида:

1. Иқтисодий тараққиёт ва камбағалликни қисқартириш вазирлиги ва Молия вазирлигининг энг кам пенсия ва нафақа миқдорларини қайта кўриб чиқиш бўйича таклифларини инобатга олиб, **2021 йилнинг 1 июлидан бошлаб:**

а) белгиланган ёшга доир энг кам пенсия миқдоридан 565 000 сўмгача пенсия олувчиларга пенсияни ҳисоблаш базавий миқдорининг **20 фоизи миқдорда қўшимча тўлов** (кейинги ўринларда — қўшимча тўлов) жорий этилсин;

б) Бунда, иш стажига бўлмаган чоғдаги пенсияларнинг энг кам миқдори қўшимча тўловни ҳисобга олган ҳолда **256 675 сўмдан 400 000 сўмга** оширилади;

в) белгиланган ёшга доир энг кам пенсия миқдоридан 565 000 сўмгача пенсия олувчиларнинг ёшга доир ва ногиронлик бўйича пенсиялари миқдори **565 000 сўмга** етказилсин;

г) зарур иш стажига эга бўлмаган кекса ёшдаги ва меҳнатга лаёқатсиз фуқароларга бериладиган нафақа миқдори **315 030 сўмдан 400 000 сўмга** етказилсин;

г) боқувчисини йўқотганлик: пенсияси олувчиларнинг ҳар бир меҳнатга қобилиятсиз оила аъзоси учун **қўшимча тўлов** жорий этилсин;

д) пенсияси олувчиларнинг бир нафар меҳнатга қобилиятсиз оила аъзоси учун пенсиянинг энг кам миқдори **256 675 сўмдан 400 000 сўмга** оширилсин ва кейинги ҳар бир меҳнатга қобилиятсиз оила аъзоси учун амалдаги тартибга мувофиқ пенсия тўлансин;

е) нафақаси олувчи оилаларнинг барча аъзоларини қамраб олиш мақсадида уларнинг бир нафар меҳнатга қобилиятсиз оила аъзоси учун нафақа миқдори **400 000 сўм** ва кейинги ҳар бир меҳнатга қобилиятсиз оила аъзоси учун **150 000 сўмдан** қўшилиши белгилансин;

ж) болаликдан ногиронлиги булган шахсларга бериладиган нафақа ойига **513 350 сўмдан 565 000 сўмга** оширилсин.

7. Молия вазирлиги ушбу Фармонда белгиланган чора-тадбирлар билан боғлиқ харажатларни молиялаштириш учун зарур маблағларни

бюджетдан ташқари Пенсия жамғармаси қолдиқ маблағлари ҳамда республика бюджети ҳисобидан ажратилишини таъминласин.

3. Ўзбекистон Миллий ахборот агентлиги ва Ўзбекистон Миллий телерадиокомпаниясига Молия вазирлиги билан биргаликда ушбу Фармон мақсади ва вазифалари оммавий ахборот воситаларида ва Интернет тармоғида кенг ёритилишини таъминлаш тавсия этилсин.

4. Ўзбекистон Республикаси Ҳукуматининг айрим қарорларига иловага мувофиқ ўзгаришлар киритилсин.

5. Молия вазирлиги манфаатдор вазирлик ва идоралар билан биргаликда бир ой муддатда қонунчилик ҳужжатларига ушбу Фармондан келиб чиқадиган ўзгаришлар ва қўшимчалар тўғрисида Вазирлар Маҳкамасига таклифлар киритилсин.

6. Мазкур Фармоннинг ижросини назорат қилиш Ўзбекистон Республикаси Бош вазирининг ўринбосари Ж.А. Қўчқоров зиммасига юклансин.

Ўзбекистон Республикаси Президенти

Ш. МИРЗИЁЕВ

Тошкент шаҳри,
2021 йил 4 июнь

ЭКСПЕРТ ФИКРИ



Халқаро ҳамжамият Ўзбекистоннинг Оролбўйи минтақасини ривожлантириш борасидаги саъй-ҳаракатларини қўллаб-қувватлади

18 май куни БМТ Бош Ассамблеяси 75-сессиясининг ялпи мажлисида Оролбўйи минтақасини экологик инновациялар ва технологиялар зонаси деб эълон қилиш тўғрисидаги махсус резолюция бир овоздан қабул қилинди. Бу ташаббус Ўзбекистон Президенти Шавкат Мирзиёев томонидан илгари сурилган эди. Ўзбекистон Республикаси Президенти ҳузурдаги Стратегик ва минтақалараро тадқиқотлар институти директори Элдор Арипов резолюциянинг аҳамияти ва унинг қабул қилиниши Оролбўйи минтақаси ривожига қандай таъсир кўрсатиши ҳақидаги фикрларини баён этди.

Давоми 2-бетда

ҚАРДОШЛИК РИШТАЛАРИ

ЎЗБЕКЛАР ВА ТОЖИКЛАР — АБАДИЙ БИРОДАРЛАР



Ўзбекистон Республикаси Президенти Шавкат Мирзиёев Тожикистон Республикаси Президенти Эмомали Раҳмоннинг таклифига биноан, келаётган ҳафтада расмий ташриф билан ушбу мамлакатда бўлади. Бу Шавкат Мирзиёевнинг Президент лавозимидаги Тожикистонга тўртинчи ташрифи. Сўнгги марта давлатимиз раҳбари Душанбеге 2019 йилда Осиёда ҳамкорлик ва ишонч чоралари бўйича кенгашининг бешинчи саммитида иштирок этиш учун ташриф буюрганди. Президентимизнинг бўлажақ ташрифи арафасида Ўзбекистон Миллий ахборот агентлиги — ЎЗА Бош директори Абдусатид КўЧИМОВ ва Тожикистон Миллий ахборот агентлиги — “Ховар” директори Саидали СИДДИК мамлакатларимиз ўртасидаги ҳамкорликнинг бугунги ҳолати ва истиқболлари ҳақида суҳбатлашди.

А.Кўчимов: — Ҳурматли Саидали Ражабали, мамлакатларимиз ҳамкорлиги тарихида янги саҳифа очилган кунларни бир эсга олсак. Маълумки, 2018 йил 9-10 март кунлари Ўзбекистон Республикаси Президенти Шавкат Мирзиёев Тожикистон Республикасига ilk давлат ташрифи билан борган эди. Ушбу ташриф икки мамлакат тарихида янги даврни бошлаб берди, десак айтиш ҳақиқатни айтган бўламиз.

С.Сиддик: — Бу чиндан ҳам тарихий воқеа бўлди, негаки Ўзбекистон давлат раҳбари қарийб 20 йилда ilk бор мамлакатимизга давлат ташрифи билан келди.

А.Кўчимов: — Мазкур ташрифга Ўзбекистонда алоҳида тайёр-гарлик кўрилган. Президентимиз Душанбеге боришдан олдин икки мамлакат ўртасида кўп йиллардан

бери ечилмай, газак олиб ётган кўплаб муаммолар ўзаро мулоқот, бир-бирини тушуниш ва манфаатларини ҳурмат қилиш асосида кетма-кет ечилди. Мамлакатларимиз раҳбарларининг саъй-ҳаракати билан Ўзбекистон ва Тожикистон ўртасидаги давлатлараро чегараларни делимитация қилиш масалалари тўлиқ ҳал этилди. Тошкент ва Душанбе шаҳарлари ўртасида авиаташувлар, темир йўл катнови қайта тикланди. Самарқанд — Панжикент ораллигида А-377 халқаро автомобиль йўли очилди. Ўзбекистон — Тожикистон давлат чегарасида ўтказиш пунктлари ўз ишини тиклади, бу чин маънода биродар халқларимизнинг байрамга айланиб кетди.

С.Сиддик: — Бундан олдинроқ, 2017 йил март ойда Душанбе шаҳрида “Ўзбекистонда ишлаб

чиқарилган” бренди остида миллий маҳсулотлар кўргазмаси ва икки мамлакат ишбилармон доира вакилларининг бизнес-форуми муваффақиятли ўтказилган. Ушбу тадбирлар минг йиллардан бўён ёнма-ён яшаб, борди-келди қилиб келган, дини, урф-одатлари муштарак халқларимизнинг мустақилликдан сўнгги ilk учрашуви бўлганди гўё.

А.Кўчимов: — Ўзбекистонда ишлаб чиқарилган маҳсулотларни кўришга келган душанбелликлар ҳайрат ва ҳавас билан бизнинг маҳсулотларимизни томоша қилгани, ён қўшимиз шундай ютуқларга эришяптими, музлаткичлар, телевизорлар, мобиль телефондан тортиб енгил ва юк автомобиллари, автобуслар, қишлоқ хўжалиги ва махсус техникаларни ишлаб чиқаряптими, деган дил изҳорларини интернет орқали ўқигандик, ўзимиз ҳам ёритгандик.

С.Сиддик: — Бу тадбирни яхши эслаيمان. Сўнг Президентимизнинг ташрифи чоғида Тошкентда ҳам “Тожикистонда ишлаб чиқарилган” номли худди шундай кўргазма ташкил этилиб, унга ташриф буюргандик. Кўргазмада мамлакатимизнинг 60 дан зиёд йирик саноат корхоналари, шу жумладан, “Талко”, “Гаюр цемент”, “Моҳир цемент”, “Фароз”, “Шири Душанбе”, “Ангишт”, “Намаки Ашт ва Ҳожимўмин”, “Қолинҳои Қайроққум”, “Амири”, “Мақоли”, “Оби зилол” каби компаниялар ҳамда металлургия, озиқ-овқат, машинасозлик, мудо-фаа, кимё, кўмир ва енгил саноат тармоқларидаги йирик корхоналарнинг маҳсулотлари намойиш этилган.

А.Кўчимов: — Бугун гапларни айтиш осондай туюлади. Лекин бир дарёдан сув ичиб, ёнма-ён яшаб келган икки халқнинг чорак аср борди-келди қилмагани ортидан бегонадай бўлиб қолгандик.

С.Сиддик: — Бу ҳақда ўйлашни ўзи азобли: қачонлардир бир-бирининг борлиги булган одамлар бир зумда бегона бўлиб қолишлари мумкин экан.

Давоми 3-бетда



ДАВЛАТ ДАСТУРИ — АМАЛДА

ЁШЛАР – ЎЗБЕКИСТОННИНГ КАТТА БОЙЛИГИ ВА БЕБАҲО ХАЗИНАСИ

Уларга муносиб шарт-шароит яратиш эса муҳим вазифа

Шаҳзод ҒАФҒОРОВ,
“Янги Ўзбекистон” муҳбири

“Мамлакатимизда ёшларга оид давлат сиёсатини тўлақонли рўйбга чиқариш учун бундан кейин ҳам барча ресурс ва имкониятларни кенг сафарбар қиламиз. Биз учун бу борада майда масаланинг ўзи йўқ. Сизларнинг келажагингиз билан боғлиқ ҳар қандай вазифа — бирламчи аҳамиятга эга”. Давлатимиз раҳбарининг 2020 йил 25 декабрда пойтахтимизда ўтказилган Ўзбекистон ёшлари форумида айтган бу фикрларида ёшларга бўлган оталарча ғамхўрлик, уларга муносиб шарт-шароит яратиш беришга бўлган кучли хоҳиш-истак мужассам.

Ўзбекистон ёшлари форумида Президентимиз ёшлар масаласида бир қатор ташаббусларни илгари сурди. Хусусан, Савдо-саноат палатаси Бандлик ва меҳнат муносабатлари вазирлиги билан биргаликда “Ёшлар: 1+1” дастури доирасида палатанинг ҳудудий ўқув марказларида уюшмаган ва ишсиз ёшларни касб-хунар ва тадбиркорликка ўқитишни ташкил этиш, “Ҳар бир тадбиркор — ёшларга мададкор” тамойили асосида бир тадбиркорга бир нафардан ишсиз ёшни бириктириш ташаббуси билдирилган ва у қўллаб-қувватланган.

Мазкур ташаббуслар “Ёшларни қўллаб-қувватлаш ва аҳоли саломатлигини мустаҳкамлаш йили” давлат дастуридан ҳам ўрин олди. Бундан қўланган мақсад ёшларни касб-хунарга йўналтириш, уларга қўшимча иш ўрин-

лари яратиш ҳамда бандлигини таъминлашдан иборат.

Бугунги кунда ушбу вазифалар ижросига жиддий киришилган. “Ёшлар: 1+1” дастури ижроси юзасидан Ёшлар ишлари агентлиги томонидан Савдо-саноат палатасига ҳамкорликда ишлаш бўйича таклиф ҳамда ишчи гуруҳга номзод, мазкур дастур доирасида тадбиркорлик асосларига ўқиб-ўқитишни билдирган ёшларнинг ҳудудлар кесимидаги рўйхати тақдим этилди.

Шунингдек, Савдо-саноат палатаси, Иқтисодий тараққиёт ва камбағалликни қисқартириш, Бандлик ва меҳнат муносабатлари вазирликлари, Тадбиркорликни ривожлантириш агентлиги, “Микрокредитбанк” АТБ билан қўшма қарор имзоланди. Қарор билан ёшларни тадбиркорлик асосларига ўқитиш бўйича ўқув режаси ва дастур тасдиқланди.



“Ёшлар: 1+1” дастури доирасида тегишли ташкилотлар билан ҳамкорликда жами 101 минг нафар ёшнинг ўқитилиши режалаштирилган бўлиб, бугунги кунга қадар 96 минг 870 га яқин (96 фоиз) йигит-қиз касб-хунар ва тадбиркорликка ўқитилиб, махсус сертификатларга эга бўлди.

— Анчадан буён куёнчилик билан шугулланиш ҳақида уйлаб юргандим, — дейди Хўжайли туманидан Шоҳрух Матқаримов. — Давлат дастурида ёшларни қўллаб-қувватлашга қаратилган вазифалар бу борада аниқ муддао бўлди. Ёшлар ишлари агентлиги Хўжайли тумани бўлимида бошқа ёшлар

қатори мен ҳам касб-хунар ва тадбиркорлик бўйича ўқиб, махсус сертификатга эга бўлдим. Мазкур сертификат билан Халқ банки туман филиалидан 30 миллион сўм имтиёзли кредит олдим. Бундан жуда хурсандман. Ана шу маблағ эвазига зотдор куёнлар харид қилдим. Уй шароитида уларни боқиб, кўпайтирмақчиман. Келажақда куёнчиликдан яхши даромад олишни мақсад қилганман.

“Ҳар бир тадбиркор — ёшларга мададкор” тамойили асосидаги ишлар ҳам изчил давом эттирилмоқда. Хусусан, Ёшлар ишлари агентлигининг ҳудудий бошқармаларига Савдо-саноат

палатасининг ҳудудий бошқармалари билан келишган ҳолда, ишсиз ёшларни кўнгилли тадбиркорларга бириктириб, ҳар ойнинг 1-санасига қадар Ёшлар ишлари агентлигининг марказий аппарати тақдим этиб бориш вазифаси юклатилди.

Мазкур топшириқ ижросини таъминлаш мақсадида “Ёшлар дафтари” ни шакллантириш ва юритиш бўйича ахборот тизими (daftar.mehnat.uz) жорий қилиниб, ҳозирга қадар ташаббускор тадбиркорларга бириктирилган 105 минг 695 нафар ёшнинг манзилли рўйхати туман (шаҳар)лар кесимида шакллантирилди.

— Ҳаракатлар стратегияси асосида ҳар йили қабул қилинаётган давлат дастурларидан ёшларга сифатли таълим бериш, салоҳият ва иқтидорини рўйбга чиқариш, бандлигини таъминлаш, муносиб шарт-шароит яратиш билан боғлиқ муҳим вазифалар ўрин олмақда ва улар изчил ижро этиляпти, — дейди Ёшлар ишлари агентлиги директорининг ахборот сиёсати бўйича маслаҳатчиси — матбуот котиби Нодир Абдуқодиров. — Жорий йилги Давлат дастури ҳам бундан мустасно эмас. Унда ёшлар манфаатига қаратилган қўллаб-қувватлаш қатори “Ҳар бир тадбиркор — ёшларга мададкор” тамойили асосида 1 нафар тадбиркорга 1 нафардан ишсиз ёшни бириктириш билан боғлиқ чора-тадбирлар белгиланган.

“ЁШЛАР: 1+1”

дастури доирасида тегишли ташкилотлар билан ҳамкорликда

жами 101 минг нафар ёшнинг ўқитилиши режалаштирилган бўлиб, бугунги кунга қадар

96 минг 870 га яқин

(96 фоиз) йигит-қиз касб-хунар ва тадбиркорликка ўқитилиб, махсус сертификатларга эга бўлди.

Бугунги кунда Давлат дастурининг мазкур банди ижросини таъминлашга жиддий эътибор қаратилляпти. Хусусан, 50 минг 780 га яқин йигит-қиз тадбиркорларга, 10 минг 370 дан ортиқ уста-хунармандларга бириктирилиб, жами 61 минг 150 нафар ёшнинг бандлиги таъминланди.

Мухтасар айтганда, 2021 йилги давлат дастурида белгиланган чора-тадбирлар изчил амалга оширилмоқда. Бу эса, ўз навбатида, ёшлар бандлигини таъминлаш, уларнинг бўш вақтини самарали ташкил этиш ҳамда келажақ авлод вакиллариининг жамиятда ўз ўрнини топишига хизмат қилмоқда.

МИННАТДОРЛИК

ҲАЁТИМДАГИ ЭНГ ҚУВОНЧЛИ ВОҚЕА

Мавлуда НОРМАМАТОВА,
Низомий номидаги
Тошкент давлат педагогика
университети Термиз
филиалининг 2-курс талабаси



Қачонлардир давлатимиз раҳбари билан мулоқотда бўламан, деб сира ўйламаганман. Лекин куни кеча Президентимизнинг Сурхондарё вилоятига ташрифи давомида шу қутилмаган воқеа юз берди...

Вилоят фаоллари билан учрашувда биз, саккиз-тўққиз чоғли ёш учинчи қаторда, давлатимиз раҳбарига яқин жойда ўтиргандик. Барчамизда кучли ҳаяжон бор эди. Президентимиз сўзлади, сўнг вазирлар, мутасаддилар ва оқсоқоллар фикрларини билдирди. Назаримизда, ҳаммаси шу билан тугайдигандек эди. Бир пайт Президентимиз “Қани ёшлар? Менга нима саволларингиз бор?”, деди. Қутилмаган чакриқдан шошиб, баравар ўрни-миздан турдик. Биринчи сўз навбати менга берилди.

“Мен Бойсун туманидан келиб ўқийман. Ижарада яшайман. Оила аъзоларим ҳам шартнома, ҳам ижара пулимни тўлаб ўқитаяпти.

Ҳисоб-китоб қилиб кўрсам, вилоятимиздаги олтига олий таълим муассасасида 36 мингдан зиёд талаба ўқиркан. Уларнинг 11 минг 237 нафари худди мендай ижарада яшайди. Шу йил 13 апрель куни ёшлар бандлигини таъминлаш ва бўш вақтини мазмунли ташкил этиш борасида белгиланган вазифалар ижроси юзасидан ўтказилган видеоселектор йиғилишида мен каби узоқ ҳудуддан келиб ўқийтган талабалар ижара тўловининг эллик фоизгача бўлган қисмини давлат бюджетидан тўлаб бериш бўйича кўрсатма бердингиз. Орадан бир ҳафта ўтиб, бу “Ёшларнинг тадбиркорлик фаолиятини қўллаб-қувватлаш ва

бандлигига қўмаклашиш, уларни ижтимоий ҳимоя қилиш ҳамда бўш вақтини мазмунли ташкил этишга оид қўшимча чора-тадбирлар тўғрисида”ги қарорингизда расман мустаҳкамланди. Ҳисоблаб кўрсам, биргина Сурхондарё вилоятидаги талабалар ижара тўлови учун бир йилга 6 миллиард сўм атрофида маблағ ажратиларкан. Бу янги Ўзбекистонда ёшларни қўллаб-қувватлашга қаратилган эътиборнинг катта намунаси. Бунинг учун сизга ўзим ва тенгдошларим номидан миннатдорлик билдираман”, дедим.

Фикрларимни айтarkanман, мен қандай кучли ҳаяжонда гапирсам, давлатимиз раҳбари шунчалик эътибор билан эшитаяётганини кўрдим. Кўнглим ғурурга тўлди. Айниқса, “Ҳозир юртимиз бўйлаб ўтказилаётган “Янги Ўзбекистон ёшлари, бир-лашайлик!” фестивалининг якуновчи — финал босқичи сиз бошчилигингизда худди ўтган йилги Ўзбекистон ёшлар форуми каби юқори савияда ўтказилса, биз, ёшларга катта рағбат бўларди”, деган таклифим иноватга олингани, Президентимизнинг “Мавлуда қизим, бўлди, худди шундай катта тайёргарлик билан тадбирни ўтказамиз”, деб фикримни қўллаб-қувватлагани қалбимни фахр-ифтихорга тўлдирди.

Келгусида ниятларим кўп. Қайси касбни эгалламай, давлатимиз раҳбарининг мана шу эътиборини доим ёдда тутаман. Ўз интилишим ва сазой-ҳаракатларим билан бу ғамхўрлик ва ишончга муносиб бўлишга ваъда бераман.

ДИЛ ИЗҲОРИ



ЭЗГУ ОРЗУЛАР АЛБАТТА АМАЛГА ОШАДИ

Абдураҳмон АБДУНАЗАРОВ,
Термиз давлат университети
санъатшунослик факультети 3-босқич талабаси

Давлатимиз раҳбари Сурхондарё вилоятига ташрифи чоғида Термиз шаҳрида вилоят кенгаши депутатлари, тадбиркор ва фермерлар, нурунийлар, ёшлар иштирокидаги йиғилишда қатнашганим ҳаётимда унутилмас воқеа бўлди.

Жуда самимий руҳда ўтган учрашувда ёшларнинг ютуқлари, муаммолари, таклифларини айтишимизга ҳам имкон берилди. Табиийки, биз, талабалар ўзимизнинг таълим йўналишимиз — бахшичилик борасидаги муваффақиятларимиз, таклифларимиз ҳақида гапирдик.

Авалло, кейинги йилларда юртимизда бахшичилик санъатини асраб-авайлаш ва ривожлантиришга катта эътибор қаратилаётганини мамнулик билан айтиб ўтишни истардим. Бу борада ҳукумат

даражасида бир неча ҳужжатлар қабул қилинди. “Алломиш” достонининг минг йиллиги кенг нишонланди. Термиз шаҳрида Алломиш хайкали, Самарқанд шаҳрида атоқли бахшиларимиз хотирасига бағиш-лаб ёдгорлик мажмуалари бунёд этилди.

“Ўзбекистон халқ бахшиси” фахрий унвони таъсис этилгани эса, ушбу санъат тури нуфузини янада оширди. Мен Ўзбекистон халқ бахшиси Абдуназар Поёновнинг невараси, ҳам шоғирди сифатида ушбу санъатни давом эттириб

келяпман. Айни пайтда Термиз давлат университети санъатшунослик факультетида таҳсил олмақдам. Давлатимиз раҳбари ташаббуси билан “Республика ёшлар овози” фестивали эълон қилинган эди. Ҳозирги кунда бу ерда ўқувчилар бахшичилик сирларини ўрганмоқда. Фаолиятимиз самарасидан кўнглимиз тўқ, Аммо чекка, тоғли ҳудудлардан ўқишга қатнайдиган болалар йўлнинг узоқлигидан қийналяпти. Шу боис, келажақда мактаб ёнида ўқувчиларга ётоқхона қуриб берилса, деган таклифни айтдим. Бу иноватга олиниб, мактаб ёнида ётоқхона қуриш ҳақида масъулларга топшириқ берилди.

Бундай эътибордан руҳланиб, бир хушхабар ҳақида ҳам гапирдим. Давлатимиз раҳбари ташаббуси билан “Республика ёшлар овози” фестивали эълон қилинган эди. Мен ҳам бу фестивалда Сурхондарё вилояти ҳудудий босқичида қатнашдим ва бахшичилик йўналиши бўйича биринчи ўринни олдим. Айни пайтда 7-12 июнь кунлари Бузатовда бўладиган Республика босқичига тайёргарлик кўраётганим ҳақида айтганимда, Президентимиз қўллаб-қувватлаш билан қўллаб-қувватландим. Бахшичиликни изчил давом эттираётганимизни қўллаб-қувватлашнинг айтиди.

Мен каби тенгдошларимнинг ҳозиргача бўлган кўтаринки кайфиятини, баланд марраларни кўзлаётганини кўриб, бир заргарона ташбеҳ келди: бу учрашув биз, ёшлар учун тилла узукка мисоли олмос тош кўйгандай бўлди. Чунки бизнинг орзуларимиз, интилишларимиз давлатимиз томонидан доим қўллаб-қувватланмоқда. Ёшларнинг таълим олиши, ишлаши учун жуда кенг имкониятлар яратиб берилляпти. Бундан оқилона фойдаланиш учун элюрта бўлган меҳр ва хурматни кўнглига жойлаб, ишонч билан интилишимиз керак, холос. Орзуларимиз, эзгу мақсадларимизга эришимизга ишонаман.

